

I.

A LA VIRGEN DEL PORTAL

A MI BUEN AMIGO TOMAS RIVERO

## A LA VIRGEN DEL PORTAL

---

¡Virgen del portal bendita,  
¡Refugio de pecadores!  
Esperanza, salvación,  
Y consuelo de los probes,  
¡Mírame con tos güeyinos  
Que son lo mesmu qu'azones,  
Anque allumbren y resplanden  
Como si juesen dos soles!!  
¡Les sonrises de tos llabios  
Tienen perfume de roses  
Y el sabor de rica miel  
Y el arrullu de palombes!

Tos manines extendies  
Están brindando a los hombres  
Un cable donde agarrase  
Y un pilar donde s'apoyen!  
E'nes grandes amargures  
De nuestres tribulaciones,  
Siempre vamos a llamate  
Y tu siempre mos repondes  
Con to carina de Pascua  
Que calma nuestres pasiones.....

.....  
Un día desde Xixón  
Vieron salir a unos hombres  
Tripulando un barcu vieyu  
Cargau de tabla de roble:  
Al llegar a la Marona  
Comienza a ventar del norte  
Y a ponese el cielo oscuru  
Y a volvese la mar torpe;  
Arriáron les dos veles  
Arrisaron los tres foques,  
Y apesar de sos esfuerzos,  
Cuando ruempen los cachones,  
El vieyu barcu s'entrega  
Y como está mediu podre  
En menos de diez minutos  
Aquel carcamál, fundióse....  
Está aquella probe xente

Agarrada a los tablones,  
Abrazaos a los remos  
Trincaos a un calabrote,  
Y casi sin esperanza,  
Cuand'un d'ellos diz a voces  
"Virgen del Portal Bendita  
Ten compasión d'estos probes!.....  
Com'una balsa d'aceite  
Quedóse la mar, calmóse  
La Galerna en el instante,  
Apaciguaron les foles,  
Y e'na playa de Careñes  
Aquella xente salvóse.....

.....  
Ya morrieron todos ellos  
(Que la paz del Señor gocen)  
Pero vive algún ancianu  
Qu'era rapazucu entonces,  
Y cuenta qu'aquella tardi  
Vieron venir unos hombres  
Descalzos, esfarrapaos,  
Y cargaos con tablones;  
Y diz qu'esta comitiva,  
Entró na Iglesia, paróse  
Frente al altar de la Virgen  
Del Portal, arrodillóse  
Y ante la bendita Imagen  
Cuntando el milagru a voces,

Llorando y rezando a un tiempo,  
Pasaron más de dos horas.

.....  
Si non fuera este milagru  
Non cuntara yo estes cosas  
Porque entr'esta xente diba  
El que dispúes me dió el nombre;  
Por eso yo agradecidu  
Te dedico estos ringlones,  
Y quiero que patrocines  
Y que ampares y corones,  
Estos probes versos míos  
Escritos pa aquellos hombres  
Que desd'un rincón de Asturias  
S'esparden por tou el Orbe  
Pasando mil inclemencies,  
Luchando como leones,  
Con la más firme intención  
Y con el anhelu noble,  
De volver a la Tierrina  
Con riqueza y con honores.  
¡Pídote que seas so guía,  
Ruégote que seas so Norte!  
Pídote que seas pa ellos  
En todes les ocasiones  
La madre que los aliente  
Los ayude y los perdone;  
La fiya que los consuele

Con sos veyures graciosés,  
Y la esposa que los ame,  
Con esos santos amores  
Firmes como los peñascos  
Resistentes como robles  
Y tan puros como el aire  
Que vien por cima los montes.  
¡Míralos con tos güeyinos  
Que son como dos azones.  
Anque allumbren y resplanden  
Como si juesen dos soles!  
¡Mándayos una sonrisa  
De tos llabinos de roses  
Que tien dulzura de miel  
Y el arrullu de palombes!  
¡Espurreyes les manines  
Así como tu les pones  
Cuando quies qu'a elles s'agarran  
O que sobre elles se apoyen;  
Consuélalos en sos penes!  
Aliviayos sos congoxes  
Y fay que vuelvan a ver  
Al pueblu de sos amores.....  
y a mi y a todos los míos  
¡Virgen! non mos abandones.